



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ
ԻՐԱՎԱԲԱՆԱԿԱՆ ՎԱՐՉՈՒԹՅՈՒՆ**

ՎԱՐՉԱԿԱՆ ԱԿՏ N 1517385

**ՀԱՐԿԱՅԻՆ ՊԱՐՏԱՎՈՐՈՒԹՅՈՒՆՆԵՐԻ ՀԱՇՎԱՐԿՄԱՆ ԵՎ
ԳԱՆՁՄԱՆ ԱՌԱՋԱԴՐՄԱՆ ՎԵՐԱԲԵՐՅԱԼ**

07 սեպտեմբերի 2022թ.

ք. Երևան

(կազմման վայրը)

Ակտի հասցեատեր

«Վ Ս ԳՐԻԳ» ՍՊԸ

(անհատ ձեռնարկատիրոջ անունը, ազգանունը (անհատ ձեռնարկատեր նշումով) կամ իրավաբանական անձի անվանումը)

0	0	2	4	0	9	8	9
---	---	---	---	---	---	---	---

(հարկ վճարողի հաշվառման համարը՝ ՀՎՀՀ-ն)

ք. Երևան, Դավթաշեն 7 փող. 21

(անհատ ձեռնարկատիրոջ հաշվառման հասցեն կամ իրավաբանական անձի գրանվելու վայրի հասցեն)

Խախտման նկարագրությունը

ՀՀ ՊԵԿ ՀՕՀ վարչության պետի 08.07.2022թ. թիվ 1517385 որոշման համաձայն «Վ Ս Գրիգ» ՍՊԸ-ի նկատմամբ իրականացված օպերատիվ-հետախուզական միջոցառումների արդյունքում ձեռք է բերվել փաստական տվյալներ առ այն, որ ընկերությունը ՕՀՄ-ի ժամկետներում առանց համապատասխան հաշվարկային փաստաթղթերի իրականացրել է ապրանքների տեղափոխում:

Իրականացված ՕՀՄ-ի շրջանակներում ընկերության տնօրեն Կարեն Հայրապետյանի կողմից ներկայացված ապրանքների հաշվապահական մնացորդի վերաբերյալ տվյալների (ըստ գործունեության հասցեների) և փաստացի (առկա) ապրանքների համադրման, համեմատության արդյունքում ընկերությունում հայտնաբերվել է ապրանքների քանակական պակասորդ: Տվյալ փաստի վերաբերյալ ընկերության տնօրեն Կարեն Հայրապետյանը ներկայացրել է գրավոր հայտարարություն այն մասին, որ ընկերության կողմից 29.08.2022թ-ին և 30.08.2022թ-ին ընկերության գործունեության վայր՝ Արագածոտնի մարզ, գ. Ուջան հասցեից «ԶԻԼ 431510» մակնիշի 13 ՕՍ 931 հաշվառման համարանիշի ավտոմեքենայով երեք ուղերթով առանց համապատասխան ուղեկցող փաստաթղթերի Արագածոտնի մարզի, Աշտարակ համայնք Էջմիածնի խճուղի (ընկերության անասնագոմ) է տեղափոխվել ընկերությանը պատկանող 20 տոննա գարի ընդհանուր 3.120.000 ՀՀ դրամ գումարով:

ՀՀ ՊԵԿ «Հարկատու 3» էլեկտրոնային համակարգում առկա տվյալների հետազոտման արդյունքում պարզվել է, որ վերը նշված տեղափոխված ապրանքների համար 29.08.2022թ-ին

և 30.08.2022թ-ին ընկերության կողմից դուրս չէր գրվել համապատասխան ուղեկցող փաստաթղթեր:

Այսպիսով, սույն թվականի օգոստոսի 29-ին և օգոստոսի 30-ին (ՕՀՄ-ի իրականացման համար օրենքով սահմանված ժամկետներում) ընկերության կողմից, առանց համապատասխան ուղեկցող փաստաթղթի, փաստացի կատարվել է ապրանքների տեղափոխում ընդհանուր 3.120.000 ՀՀ դրամի չափով:

Թիվ 1517385 արձանագրությամբ 31.08.2022թ. հարուցվել է վարչական վարույթ: Կողմը, պատշաճ ծանուցված լինելով, չի ներկայացել 07.09.2022թ-ին նշանակված վարչական վարույթի լսումներին: Գործում առկա չեն լրացուցիչ ապացույցներ, չեն ներկայացվել միջնորդություններ:

Այսպիսով, «Վ Ս Գրիգ» ՍՊԸ-ի կողմից խախտվել է ՀՀ հարկային օրենսգրքի 57-րդ հոդվածի 1-ին մասի պահանջները, ըստ որի ՀՀ տարածքում մատակարարվող կամ տեղափոխվող՝ շարժական, նյութական գույք հանդիսացող ապրանքների (բացառությամբ հանրային ծառայություններ մատուցող հարկ վճարողների կողմից հանրային ծառայությունների ենթակառուցվածքները շահագործելու և (կամ) սպասարկելու նպատակով տեղափոխվող ապրանքների, Կառավարության սահմանած ցանկում ներառված ոլորտներում գործունեություն իրականացնող հարկ վճարողների կողմից տեղափոխվող հիմնական միջոցների, ինչպես նաև խողովակաշարերով և էլեկտրահաղորդման գծերով ապրանքների և արտարժույթի) մատակարարումը կամ տեղափոխությունը պարտադիր կարգով իրականացվում է ուղեկցող փաստաթղթերով:

Կատարված խախտման համար պատասխանատվություն է նախատեսված ՀՀ հարկային օրենսգրքի 410-րդ հոդվածի 1-ին մասի 1-ին կետով, ըստ որի «Օպերատիվ-հետախուզական գործունեության մասին» ՀՀ օրենքով սահմանված կարգով իրականացվող օպերատիվ-հետախուզական միջոցառումների ընթացքում ապրանքների մատակարարման կամ տեղափոխության փաստաթղթավորման համար Օրենսգրքով սահմանված պահանջների խախտման՝ Օրենսգրքով սահմանված պահանջները չբավարարող ուղեկցող փաստաթղթով կամ առանց ուղեկցող փաստաթղթի ապրանքների մատակարարման կամ տեղափոխության հայտնաբերման դեպքում, բացառությամբ սույն հոդվածով սահմանված դեպքերի, խախտման հիմք հանդիսացող գործարքի կամ գործողության մասով՝ գանձվում է տուգանք այդ ապրանքի գնի (արժեքի) 50 տոկոսի չափով, բայց ոչ պակաս 500 հազար դրամից:

Տվյալ դեպքում «Վ Ս Գրիգ» ՍՊԸ-ի կողմից խախտումը վերջին 1 տարվա ընթացքում կատարվում է առաջին անգամ: Ապրանքների ընդհանուր գումարը կազմել է 3.120.000 ՀՀ դրամ, որի 50 տոկոսը կազմում է 1.560.000 ՀՀ դրամ, ուստի օրենսդրական պահանջից ելնելով «Վ Ս Գրիգ» ՍՊԸ-ի նկատմամբ կիրառելի է 1.560.000 ՀՀ դրամի չափով տուգանք:

Ելնելով վերոգրյալից և ղեկավարվելով ՀՀ հարկային օրենսգրքի 428-րդ հոդվածի 1-ին մասով, ՀՀ ՊԵԿ նախագահի պաշտոնակատարի 31.08.2022թ. N 904-Լ հրամանով.

Որոշեցի

1. Հաշվարկել և «Վ Ս Գրիգ» ՍՊԸ-ին գանձման առաջադրել 1.560.000 ՀՀ դրամի չափով տուգանք՝ որպես հարկային պարտավորություն, համաձայն ստորև ներկայացված աղյուսակի՝

	Վճարման ենթակա գումար (դրամ)	Վճարման ուղղությունը	հաշվի համարը
Հարկային օրենսգրքի 410-րդ հոդվածով սահմանված տուգանք ընդամենը, որից՝	1.560.000	պետական բյուջե	900008000490

2. Ընդունելի գիտություն՝

- 1) Սույն վարչական ակտն օրենքով սահմանված ժամկետում անբողոքարկելի դառնալուց հետո՝ օրենքով սահմանված ժամկետում վարչական ակտով առաջադրված տուգանքը չվճարվելու դեպքում, ենթակա է հարկադիր կատարման:
- 2) Սույն վարչական ակտն ընդունված է համարվում ստորագրվելու օրվանից և ուժի մեջ է մտնում հասցեատիրոջն իրազեկելուն հաջորդող օրվանից:
- 3) Սույն վարչական ակտն ուժի մեջ մտնելուց երկամսյա ժամկետում կարող է բողոքարկվել վարչական կամ դատական կարգով:
- 4) Սույն վարչական ակտը կազմվել է երեք օրինակից:

ԻՎ պետ Ա. Մնացականյան

Վարչական ակտն ընդունող պաշտոնավար անձի
պաշտոնը, անունը և ազգանունը

Կ.Տ.

Ստացա ակտի մեկ օրինակը

տնօրեն Կարեն Հայրապետյան

Ֆիզիկական անձի անունը, ազգանունը
(անհատ ձեռնարկատիրոջ դեպքում՝ անհատ
ձեռնարկատիր նշումով) իրավաբանական անձի գործադիր
մարմնի ղեկավար (գրագրության ընդունման համար
պաշտասխանագրու անձ՝ հաղուկ առաքման դեպքում)



ստորագրությունը

ընդամենը 3 էջ

ստորագրությունը

2022թ.

(նշում ակտը ստորագրելուց և (կամ) ստանալուց հրաժարվելու մասին)